

Bosna i Hercegovina
Federacija Bosne i Hercegovine
KANTON SARAJEVO
KANTONALNA JAVNA USTANOVA
„GERONTOLOŠKI CENTAR“
SARAJEVO

Broj: 11-1773-9/17.
Sarajevo, 16.03.2018. god.

Na osnovu člana 64. stav (1) tačka b), člana 70. stav (1) i (3) Zakona o javnim nabavkama Bosne i Hercegovine („Službeni glasnik BiH“ br. 39/14) i člana 42. stav (2) alineja e) Pravila Kantonalne javne ustanove „Gerontološki centar“ Sarajevo, po preporuci Komisije za javne nabavke broj: 11-1773-8/17 od 15.03.2018. godine, Direktor Kantonalne javne ustanove „Gerontološki centar“ Sarajevo, d o n o s i:

ODLUKU o izboru najpovoljnijeg ponuđača

1. U otvorenom postupku javne nabavke **lijekova** za potrebe Kantonalne javne ustanove „Gerontološki centar“ Sarajevo, prihvata se preporuka Komisije za javne nabavke prema Zapisniku o pregledu i ocjeni ponuda za dodjelu ugovora, broj: 11-1773-8/17 od 15.03.2018. godine i **ugovor za nabavku lijekova za period od tri godine**, dodjeljuje se ponuđaču **PZU Apoteka „Vitapharm“ , ul. Barska br. 40-42, Sarajevo- Ilidža** (Ponuda broj: 1/2018 od 04.01.2018.godine), za ponudenu cijenu u iznosu od **155.568,96 KM**, s tim da ponuđač **nudi popust u iznosu od 7.779,57 KM**, tako da ukupna cijena ponude sa popustom bez PDV-a iznosi **147.789,39 KM**, dok ukupna cijena ponude sa popustom i PDV-om iznosi **172.913,58 KM**.

2. Prijedlog okvirnog sporazuma i ugovora o nabavci dostavit će se na potpis izabranom ponuđaču u roku od 10 dana, računajući od dana kada je ponuđač obaviješten o izboru.

3. Za izvršenje ove Odluke zadužuje se Služba za pravne i opće poslove KJU „Gerontološki centar“ Sarajevo.

4. Shodno članu 70. stav (6) Zakona o javnim nabavkama, ova Odluka će se objaviti na web stranici www.ges.com.ba istovremeno sa upućivanjem ponuđačima koji su učestvovali u postupku javne nabavke.

5. Shodno članu 71. stav (2) Zakona o javnim nabavkama ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke.

O b r a z l o ž e n j e:

Postupak javne nabavke **lijekova** za potrebe Kantonalne javne ustanove „Gerontološki centar“ Sarajevo pokrenut je Odlukom broj: 11-1773/17 od 28.11.2017.godine.

Javna nabavka je provedena putem otvorenog postupka za dostavu ponuda.

Procijenjena vrijednost javne nabavke za period od tri godine bez PDV-a iznosi maksimalno 210.000,00 KM.

Na osnovu Obavještenja o nabavci broj: 897-1-1-126-3-29/17, objavljeno 05.12.2017. godine na Portalu javnih nabavki, Ispravke za obavještenje o nabavci broj: 897-1-1-126-8-32/17, objavljeno dana 20.12.2017. godine na Portalu javnih nabavki i sažetka obavještenja o nabavci objavljen u Službenom glasniku BiH broj 87/17. dana 08.12.2017. godine, kao i sažetka ispravke za obavještenje o nabavci objavljen u Službenom glasniku BiH broj: 1/18. dana 05.01.2018.godine, tendersku dokumentaciju su preuzeli:

1. PZU Apoteka Vitapharm, ul. Barska 40-42, Sarajevo-Ilidža,
2. ZU Eurovita Pharmacia Mostar, ul. Braće Fejića br.50., Mostar,
3. PZU Apoteka G-Pharm Sarajevo, ul. Brezanska br. 12., Sarajevo,

4. Bosnalijek d.d., ul. Jukićeva br. 53., Sarajevo.

Komisija za javne nabavke je imenovana Rješenjem broj: 11-191/17, od 13.02.2017.godine.

Krajnji rok za dostavu ponuda je bio 04.01.2018. godine u 10:30. Istog dana u 11:30 sati je izvršeno javno otvaranje prispjelih ponuda na kojem su prisustvovali: predstavnik ponuđača ZU Eurovita Pharmacia Mostar – Hodžić Arzija, direktor PZU Apoteka Vitapharm Sarajevo-Ilidža – Hošić Merima i direktor PZU Apoteka G-Pharm Sarajevo – Anca Zec.

Dana 20.12.2017.godine ugovorni organ je sačinio izmjenu i dopunu tenderske dokumentacije broj 1., koju je istog dana putem e-maila poslao ponuđačima koji su otkupili tendersku dokumentaciju.

Na javnom otvaranju ponuda je sačinjen Zapisnik u kome je konstatovano da su za navedenu nabavku ponudu podnijeli sljedeći ponuđači:

1. PZU Apoteka Vitapharm, ul. Barska 40-42, Sarajevo-Ilidža;
2. ZU Eurovita Pharmacia Mostar, ul. Braće Fejića br.50., Mostar.

Ponuđač PZU Apoteka G-Pharm Sarajevo, ul. Brezanska br. 12., Sarajevo dostavio je neblagovremenu, odnosno zakašnjelu ponudu, obzirom da je ista zaprimljena na protokol Ugovornog organa nakon isteka roka predviđenog za prijem ponuda, te je ista protokolisana i neotvorena vraćena navedenom ponuđaču.

Komisija za javne nabavke je dostavila dana 15.03.2018. godine Zapisnik o pregledu i ocjeni ponuda broj: 11-1773-7/17 od 15.03.2018. godine i Izvještaj o radu Komisije za javne nabavke i preporuka za dodjelu ugovora, broj: 11-1773-8/17 od 15.03.2018.godine.

U postupku po Zapisniku o pregledu i ocjeni ponuda i Izvještaju o radu Komisije za javne nabavke je utvrđeno da je Komisija blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3,
- da su blagovremeno zaprimljene 2 ponude,
- da je neblagovremeno zaprimljena 1 ponuda,
- da su pristigle ponude ponuđača:
 1. PZU Apoteka Vitapharm, ul. Barska 40-42, Sarajevo-Ilidža.
 2. ZU Eurovita Pharmacia Mostar, ul. Braće Fejića br.50., Mostar.

Nakon javnog otvaranja ponuda, obavljenog dana 04.01.2018.god., izvršena je suštinska provjera i analiza dostavljene dokumentacije, odnosno verifikacija kvalifikacija ponuđača prema kriterijima i kvalifikacionim uvjetima utvrđenim Tenderskom dokumentacijom. U ovoj fazi postupka, Komisija je utvrdila da je jedina prihvatljiva i kvalifikovana ponuda ponuđača PZU „Apoteka Vitapharm“, ul. Barska 40-42, Sarajevo-Ilidža, a da dostavljena ponuda ponuđača ZU Eurovita Pharmacia Mostar, ul. Braće Fejića br.50., Mostar, ne zadovoljava selekzione kriterije, zbog čega nije ispunila uvjete za učešće u daljem postupku, a iz sljedećih razloga:

1 Ponuđač ZU „EUROVITA PHARMACIA“ Mostar

1) Tačkom 8.2.1. pod d) Tenderske dokumentacije, broj: 11-1773-1/17 od 28.11.2017. godine, kao i izmjenom i dopunom broj 1. Tenderske dokumentacije broj: 11-1773-1-3/17 od 20.12.2017. godine za ponuđače je propisano da su dužni dostaviti sljedeće: „Popunjen obrazac za cijenu ponude sa svim elementima koji je čine, kao i potrebnim objašnjenjima, na način kako je definirano u Aneksu 4. tenderske dokumentacije“

Uvidom u Ponudu ponuđača ZU „EUROVITA PHARMACIA“ Mostar, broj: 17/17 od 27.12.2017. god., Komisija za javne nabavke je prilikom pregleda Aneksa 4. uočila sljedeće:

REDNI BROJ	NAZIV PROIZVODA	NEDOSTATAK KOJI SE ODNOSI NA OPIS ROBE, NAZIV PROIZVOĐAČA I ZEMLJU PORIJEKLA
80.	Digoksin amp, 0,25 mg	Nedostaje zemlja porijekla

307.	Propifenazon kombinacija, tbl.	Nedostaje zemlja porijekla
------	--------------------------------	----------------------------

2) Tačkom 9.11.5. stav 3. Tenderske dokumentacije, broj: 11-1773-1/17 od 28.11.2017. godine, propisano je sljedeće: „*Ponuđač je dužan da u ponudi dostavi izjavu, ovjerenu i potpisanu od strane lica ovlaštenog za zastupanje, da li namjerava dio ugovora podugovaranjem prenijeti na treće strane. Ova izjavu se sačinjava na memorandumu ponuđača.*“

Imajući u vidu zahtjev iz tačke 9.11.5. stav 3. Tenderske dokumentacije, suštinskom analizom sadržaja dostavljene dokumentacije, Komisija za javne nabavke je utvrdila da ponuđač ZU „EUROVITA PHARMACIA“ Mostar, u svojoj ponudi broj: 17/17 od 27.12.2017. god., nije dostavio Izjavu o podugovaranju, što ovu ponudu čini nepotpunom i nekvalifikovanom za dalje učešće u postupku.

3) Tenderskom dokumentacijom broj: 11-1773-1/17 od 28.11.2017., određena je i propisana jasna forma Aneksa 14., tačnije Obrasca sadržaja ponude koji je bilo potrebno dostaviti na Memorandumu ponuđača. Komisija za javne nabavke je uvidom u Ponudu ponuđača ZU „EUROVITA PHARMACIA“ Mostar, broj: 17/17 od 27.12.2017. god., konstatovala da je isti dostavljen od strane navedenog ponuđača, ali ne na način propisan tenderskom dokumentacijom. Ponuđač je dostavio Sadržaj ponude, ali ne na svom memorandumu, i izostavio je napisati sljedeće: *Aneks 14, Obrazac sadržaja ponude. Naša ponuda sadrži dokumenta označena od 1 do _ i to:*

Komisija za javne nabavke je konstatovala da ponuđač ZU „EUROVITA PHARMACIA“ Mostar, u Aneksu 6., nije upisao mjesto i datum davanja izjave, dok u Aneksu 7. i 8., nije upisao mjesto davanja izjave, ali da su iste ovjerene od strane ponuđača, odnosno nadležnog organa.

Imajući u vidu naprijed navedeno, kao i konstatovane suštinske nedostatke u ponudi ponuđača ZU „EUROVITA PHARMACIA“ Mostar, ista je ocijenjena nekvalifikovanom, te je kao takva isključena iz daljeg postupka javne nabavke.

Tenderskom dokumentacijom je u skladu sa članom 64. Zakona o javnim nabavkama kao kriterij za dodjelu ugovora utvrđen je kriterij „najniža cijena tehnički zadovoljavajuće ponude“.

Komisija za javne nabavke nije izvršila rangiranje, iz razloga što je samo jedna od ponuda ocijenjena prihvatljivom.

Obzirom da je ponuda ponuđača PZU „Apoteka Vitapharm“, ul. Barska 40-42, Sarajevo-Ilidža, ocijenjena kao jedina prihvatljiva, a imajući u vidu da je ponuda ponuđača ZU „EUROVITA PHARMACIA“ Mostar, ocijenjena kao nekvalifikovana i isključena iz daljeg postupka, to Komisija za nabavku predlaže prihvatanje ponude, te shodno članu 70. stav (1) i (3) Zakona, donošenje Odluke o izboru ponude ponuđača PZU „Apoteka Vitapharm“, ul. Barska 40-42, Sarajevo-Ilidža, kao prihvatljive za predmetnu nabavku. Cijena prihvatljive ponude sa popustom bez PDV-a za period od 3 godine iznosi 147.789,39 KM, odnosno 172.913,58 KM sa popustom i PDV-om.

Prilikom donošenja ove Odluke posebno je ocijenjena činjenica da je Komisija za javne nabavke shodno kriterijima iz Tenderske dokumentacije pravilno i potpuno izvršila ocjenu kvalificiranosti ponuđača, te ocjenu prihvatljivosti jedine kvalificirane ponude.

Ocjenom provedenog postupka direktor KJU „Gerontološki centar“ Sarajevo nije našao ni jedan razlog nepravilnosti, niti propuste u radu Komisije za javne nabavke, koji bi eventualno bili osnov za neprihvatanje Preporuke Komisije.

Napime, ocijenjeno je da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju nesporno je da je izabrani ponuđač PZU „Apoteka Vitapharm“, ul. Barska 40-42, Sarajevo-Ilidža, dostavio prihvatljivu ponudu, sa ponuđenom ukupnom cijenom za period od tri godine u iznosu od **155.568,96 KM**, s tim da ponuđač **nudi popust u iznosu od 7.779,57 KM**, tako da ukupna cijena ponude sa popustom bez PDV-a iznosi **147.789,39 KM**, dok ukupna cijena ponude sa popustom i PDV-om iznosi **172.913,58 KM**.

Iz navedenih razloga, primjenom člana 64.stav (1) tačka b) Zakona o javnim nabavkama, te izvještaja o radu Komisije za javne nabavke i preporuke za dodjelu ugovora, broj: 11-1773-8/17 od 15.03.2018. godine, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana, od dana prijema ove Odluke. Žalba se podnosi Kantonalnoj javnoj ustanovi „Gerontološki centar“ Sarajevo u pisanoj formi, u 3 (tri) primjerka.

Dostavljeno:

- 1x PZU „Apoteka Vitapharm“, ul. Barska 40-42, Sarajevo-Ilidža
- 1x ZU „EUROVITA PHARMACIA“, Braće Fejića, br. 50., Mostar
- 1x PZU Apoteka G-Pharm Sarajevo, ul. Brezanska br. 12., Sarajevo
- 1x Sl.za pravne i opće posl.Geront.centra
- 1x Komisija za javne nabavke
- 1x a/a



DIREKTOR

Ismet Skoko, mr.sci.ecc.